



Broj: 01-02.3-10852 /21- RB  
Datum: 29.11.2021. godine

- 2

Primljeno: 07-12-2021			
Org. jed.	Broj	Priloga	Vrijednost
05/1	- 02-	385	/21

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE – ZASTUPNIČKI DOM  
Hamdije Kreševljakovića 3  
71 000 SARAJEVO**

Predmet: ZASTUPNIČKO PITANJE, odgovor

Veza: Vaš akt broj: 05/1-02-385 /21 od 28.10.2021. godine

Poštovani,

Javno preduzeće Ceste Federacije BiH d.o.o. Sarajevo je dana 1.11.2021. godine zaprimilo vaš akt, broj: 05/1-02-385 /21 od 28.10.2021. godine, za odgovor na zastupničko pitanje g-dina Gorana Akšamije, sa 26. redovne sjednice Zastupničkoga doma Parlamenta Federacije BiH, u vezi regulisanja saobraćaja i postavljanja saobraćajne signalizacije u dijelu ulice Kurta Schorka:

*“Nakon razgovora sa građanima koji žive na području naselja Dobrinja, tačnije ulica Reufa Muhića i dijela ulice Kurta Schorka, pokrećem zastupničku inicijativu, da se sagledaju mogućnosti i iznađe rješenje za regulisanje saobraćajne komunikacije u ulici Kurta Schorka. Naime stanovnici pomenutih ulica, sa akcentom na djecu koja pohađaju osnovne škole u centralnom dijelu Dobrinje, svakodnevno su izloženi opasnosti prilikom prelaska magistralne ceste koja se nalazi u urbanom dijelu grada, odnosno naseljenom mjestu.*

*Na zahtjev stanovnika pomenutih ulica tražim da se sagleda mogućnost i postave saobraćajni znakovi s kojima bi se brzina kretanja automobile smanjila na 40 km/h, te postavljanje dodatne kamere koja bi kontrolisala brzinu kretanja motornih vozila. Trenutno se na pomenutoj ulici nalazi postavljena kamera sa ograničenjem brzine, međutim to predstavlja dodatni problem jer nesavjesni vozači koji upravljaju motornim vozilima kada istu prođu razvijaju daleko veće brzine. Takođe tražim da se postavi bankina pored puta kako bi se smanjio rizik prolaska pješaka preko magistralne ceste, a u projekat koji je u planu da se radi u narednom period uvrste i bukobrani, kako bi se omogućili normalni uslovi za život građanima koji žive uz magistralnu cestu... ”.*

Početkom 2021. godine Mjesna zajednica “Dobrinja B” je inicirala predmetni problem sa više zahtjeva... Predstavnik Stručne službe JP Ceste Federacije je bio na licu mjesta više puta – snimao odvijanje saobraćaja i dva puta putem telefona dao pojašnjenja predstavnici Mjesna zajednica “Dobrinja B” u vezi traženih zahtjeva i mogućnosti. U međuvremenu je obilježen pješački prijelaz na spoju ul. Reufa Muhića i M18 (ulice Kurta Schorka) sa vertikalnom i horizontalnom signalizacijom, izvučene optičke bijele crte.

Imajući u vidu da se radi o tranzitnoj, evropskoj, primarnoj saobraćajnici sa više od 20 000 vozila na dan (nažalost nemamo mrežu autocesta i brzih cesta u BiH), da u neposrednoj blizini je postavljen stacionarni radar za mjerenje brzine kretanja vozila i sl. ; da je veoma mali broj pješaka / djece koji prelaze cestu M18 na datoj lokaciji, da na magistralnoj cestovnoj mreži imamo više

desetina hiljada sličnih situacija i iste trebamo ravnopravno tretirati, da su naše mogućnosti i finansijska sredstva ograničena, te stoga ne možemo udovoljiti svim zahtjevima mjesne zajednice.

Stručna služba JP Ceste Federacije BiH smatra da je zahtjev za postavljanje bukobrana sada nerealan i pretjeran za našu društvenu zajednicu zbog ekonomske situacije u kojoj se nalazimo, a vodeći računa o jednakosti i ravnopravnom utrošku sredstava. Nisu ispunjeni potrebni uvjeti za postavljanje odbojne zaštitne ograde ako se ista podrazumjeva u riječi "bankina". Napominjemo da je odgovor kasnio zbog pandemije Covid 19 - bolesti uposlenika.

S poštovanjem,

Dostaviti:

- Naslovu
- Vlada FBiH, H. Čemerlića, Sarajevo
- Evidenciji

Direktor



Ljubo Pravdić, dipl.ing.građ.